

Tužilaštvo-Tužiteljstvo Bosne i Hercegovine
Тужилаштво Босне и Херцеговине

Broj: A-460/10

Sarajevo, 07.07.2010.godine

PARLAMENTARNA SKUPŠTINA BOSNE I HERCEGOVINE
PREDSTAVNIČKI DOM

N/r Predsjedavajućeg – g.Niko Lozančić

12-07-2010

1/2 odgovor

12.07.2010

Organizaciona jedinica	Klasifikaciona oznaka	Red. broj	Broj priloga
		01/a-10-15-78/10	

VEZA: Vaš broj 01/a-50-1-15-78/10 od 28.05.2010.godine.-

Poštovani,

Povodom pitanja poslanika Denisa Bećirevića postavljenog na 78. sjednici Predstavničkog doma Parlamentarne skupštine BiH, u vezi "procesuiranja odgovornih lica za operaciju zvanu Mač 1", dostavljamo vam sljedeći odgovor:

U Tužilaštvu BiH postoji predmet koji se odnosi na informacije i saznanja u vezi sa operacijom tadašnje SVK (Srpska vojska Krajine) pod nazivom "Mač-1". Tužilaštvo BiH preduzelo je brojne mjere i radnje u cilju utvrđivanja relevantnih činjenica koje se odnose na navedenu operaciju preko Obavještajno sigurnosne agencije-OSA-e, zatim Ministarstva odbrane BiH, Ministarstva zdravstva i socijalne skrbi Unsko-Sanskog kantona, te putem međunarodne pravne pomoći od Državnog odvjetništva Republike Hrvatske kao i pregledom i analizom dostupne dokumentacije pohranjene u bazama podataka ICTY i Tužilaštva BiH. Do sada prikupljeni podaci i informacije nepobitno utvrđuju da je u to vrijeme bilo veoma rašireno krijumčarenje raznim vrstama robe na tadašnjoj liniji razdvajanja između tadašnje ARBiH i VSK a šverc prehrambenim artiklima bio jedan od planskih načina snabdijevanja jedinica V korpusa ARBiH. S tim u vezi postojala je i procedura prijema i skladištenja tako kupljene prehrambene robe od strane V korpusa. Ministarstvo zdravlja i socijalne skrbi Unsko-Sanskog kantona obavjestilo nas je da u relevantnom periodu "nije bilo proglašena epidemija trovanja hranom stanovništva, te da su stomachne tegobe najčešće bile izazvane zbog vode koja se nije pročišćavala i koju je trebalo prokuhavati prije upotrebe."

Analizirajući prikupljenu dokumentaciju smatramo neupitnim postojanje operacije "Mač-1" čiji zvanični cilj je bio biološko trovanje stanovništva bihačkog okruga od strane tadašnje VSK ali istovremeno do sada prikupljena brojna saznanja

ukazuju da je pravi i krajnji cilj ove operacije bila materijalna korist, a ne upotreba bioloških otrova.

U ovom predmetu Tužilaštvo BiH ima namjeru i u narednom periodu da preduzme određene radnje, nakon čega će se donijeti tužilačka odluka.

S poštovanjem,



GLAVNI TUŽILAC
TUŽILAŠTVA/TUŽITELJSTVA BIH

Milorad Barašin

012-50-7

28-05-10



Босна и Херцеговина

Tužilaštvo-Tužiteljstvo Bosne i Hercegovine
Тужилаштво Босне и Херцеговине

Broj: A-RZ-65/10
Sarajevo, 24.06.2010.godine

 **BOSNA I HERCEGOVINA**
PARLAMENTARNA SKUPŠTINA BOSNE I HERCEGOVINE
SARAJEVO

PARLAMENTARNA SKUPŠTINA
BOSNE I HERCEGOVINE
PREDSTAVNIČKI DOM

PRIMLJENO: 28.6.2010.			
Organizacija	Opis događaja	Redni broj	Broj prijema
01-50-1-15-78/P			

n/r predsjedatelja Zastupničkog doma, g. Niko Lozančić

PREDMET: Zastupničko pitanje u vezi procesuiranja odgovornih lica za zločin počinje na Tuzlanskoj kapij 25.maja 1995. godine

Sukladno članku 155. stavak 3. Poslovnika Zastupničkog doma Parlamentarne skupštine Bosne i Hercegovine, dostavljamo naš odgovor na zastupničko pitanje **broj 2.** koje je postavljeno na 78. sjednici Zastupničkog doma od 25.05.2010.godine.

U vezi radnji Tužiteljstva BiH na procesuiranju odgovornih osoba za zločin počinjen na Tuzlanskoj kapiji 25. 05. 2010. godine, obavještavamo da je Tužiteljstvo podiglo, a Sud BiH 4. siječnja 2008.godine potvrdilo optužnicu protiv optuženog Novaka Đukića, jer je za vrijeme ratnog stanja u Bosni i Hercegovini, dana 25.05.1995. godine, u svojstvu komandanta taktičke grupe Ozren Vojske Republike Sprske, naredio svojim jedinicama smještenim na Cerovom Brdu sela Panjik – planina Ozren, da artiljerijskim projektilom granatiraju zaštićenu zonu – grad Tuzlu i to bliži lokalitet centra grada zvani „Kapija“. Usljed eksplozije projektila smrtno je stradala 71 osoba, dok je ranjeno oko 140 osoba. Optužnica tereti Novaka Đukića za počinjenje kaznenog djela ratnog zločina protiv civilnog stanovništva iz članka 173. stavak 1. Kaznenog zakona BiH u vezi sa slijedećim točkama:

a) napad na civilno stanovništvo, naselje, pojedine civilne osobe ili osobe onesposobljene za borbu, a taj je napad zaposljedicu imao smrt, teške tjelesne ozljede ili teško narušenje zdravlja ljudi i

b) napad bez izbora cilja kojim se ozljeđuje civilno stanovništvo,

Glavni pretres u predmetu protiv Novaka Đukića počeo je 11.03.2008. godine.

Sud BiH je 12. juna 2009. godine izrekao prvostupanjsku presudu kojom je optuženi Novak Đukić oglašen krivim za krivično djelo ratni zločin protiv civilnog stanovništva, te mu je izrečena kazna dugotrajnog zatvora u trajanju od 25 godina.

Sjednica Apelacionog vijeća Odjela I za ratne zločine Suda BiH u ovom kaznenom predmetu, održana je 6. aprila 2010. godine i do danas nismo dobili odluku vijeća Apelacionog odjeljenja Suda BiH.



GLAVNI TUŽILAC
TUŽILAŠTVA- TUŽITELJSTVA
BOSNE I HERCEGOVINE
Milorad Barašin
Milorad Barašin